



Pou Piblikasyon Imedya: 21/11/2023

GOUVÈNÈ KATHY HOCHUL

## GOUVÈNÈ HOCHUL ANONSE 23 MILYON DOLA POU RANFÒSE PLANIFIKASYON KOMINOTÈ, ENFRASTRIKTI AK ENSTALASYON PIBLIK YO

### *33 Sibvansyon Global Devlopman Kominotè yo pral ranfòse minisipalite yo atravè Eta a*

Gouvènè Kathy Hochul te anonse jodi a prèske 23 milyon dola nan Sibvansyon Global Devlopman Kominotè (Community Development Block Grants, CDBG) Eta New York la bay 33 aplikan vilaj, ti lokalite ak tout konte a atravè Eta a. Lajan yo pral itilize pou pwojè soti nan etid planifikasyon konplè ak enstalasyon kominotè yo rive nan ranplasman egou ak kanalizasyon prensipal dlo yo.

"Lajan sibvansyon Eta sa yo akòde yo pral kontribiye anpil pou asire plis vilaj, lokalite ak vil nou yo satisfè bezwen imeda yo epi atenn objektif alavni yo", **Gouvènè Hochul te deklare**. "Konstwi, prezève, ak estabilize kominote nou yo pa janm te pi enpòtan epi menm pi piti kantite asistans lan sifi pou ede gouvènman lokal nou yo rezoud reparasyon anreta yo, amelyore wout yo, repare kondwit dlo yo, oswa kòmanse planifye pwochen pwojè enpòtan yo. Nouyòkè yo merite viv nan katye modèn, ki an sekirite epi nou pran angajman pou fè sa tounen reyalite".

Yo akòde finansman an nan yon fason konpetitif atravè Biwo Renouvèlman Kominotè nan Biwo Renouvèlman Kay ak Kominotè (Homes and Community Renewal, HCR) Eta New York. Gen 1,300 vil, lokalite ak vilaj ki gen popilasyon ki poko gen 50,000 moun ki elijib pou pwogram CDBG NYS la. Konte ki gen mwens pase 200,000 moun kapab aplike tou pou finansman CDBG NYS la. Pou plis enfòmasyon sou pwogram CDBG NYS la, ale sou [sitwèb HCR la](#).

Prim yo gen ladan 12 pwojè planifikasyon kominotè, de enstalasyon piblik ak 19 pwojè enfrastrikti piblik:

#### **Rejyon Kapital**

1. Vilaj Corinth nan Konte Saratoga pral sèvi ak 50,000 dola pou konplete yon rapò teknik preliminè pou rezoud pwoblèm dlo ak enfrastrikti egou yo.

2. Vilaj Fort Edward nan Konte Washington pral itilize 1 milyon dola pou ranplase kanalizasyon dlo an fè fòje nan katye Cooper-Prospect-Grove nan nò zòn anba lavil vilaj la.
3. Vil Mechanicville nan Konte Saratoga pral sèvi ak 1 milyon dola pou lokalize ak kreye sèvitid pou kanalizasyon prensipal transpò dlo brit, anplis renovasyon estasyon ponp dlo brit ki mennen dlo sifas nan izin tretman dlo a.
4. Vilaj Philmont nan Konte Columbia pral itilize 50,000 dola pou konplete yon Evalyasyon Bezwèn Lojman ak Kad Politik.
5. Vil Watervliet nan Konte Albany pral itilize 50,000 dola pou konplete yon planifikasyon prensipal transmisyón dlo ak evalyasyon bezwen teknik sou yon liy transmisyón ki soti nan Rezèvwa Watervliet nan Guilderland rive nan vil Watervliet.

### **Rejyon Sant New York**

1. Vil Brutus nan Konte Cayuga pral itilize 50,000 dola pou Pwojè Planifikasyon Enfrastructure Egou Brutus pou fè yon etid antre ak enfiltrasyon sistèm koleksyon dlo ize twa pak kay mobil yo.

### **Rejyon Finger Lakes**

1. Vilaj Attica nan Konte Wyoming pral itilize 334,084 dola pou enstale yon asansè enteryè nan Bilding Minisipal Attica pou atenn konfòmite ak estanda aksesibilite ADA yo.
2. Vilaj Clyde nan Konte Wayne pral itilize 1 milyon dola pou ranplase kanalizasyon prensipal dlo Glasgow Street.
3. Vil Darien nan Konte Genesee pral itilize 1.25 milyon dola pou enstale yon fòs egou sanitè pou konekte ak Etablisman Tretman Dlo Ize Vilaj Corfu a.
4. Vilaj Penn Yan nan Konte Yates pral sèvi ak 1.25 milyon dola pou enstale yon nouvo enstalasyon prensipal ak dezyèm fòs prensipal.
5. Vilaj Rushville ki kouvri konte Ontario ak Yates pral sèvi ak 1.25 milyon dola pou amelyore izin tretman dlo a pou lite kont pwoliferasyon alg danjere ki repann yo.
6. Vilaj Sodus Point nan Konte Wayne pral itilize 50,000 dola pou konplete yon rapò teknik preliminè ak plan jesyon enfrastructure pou dlo potab.
7. Vilaj Waterloo nan Konte Seneca pral itilize 49,000 dola pou konplete yon evalyasyon konplè sou kondisyon lojman nan tout pak lojman vilaj la.

### **Rejyon Mid-Hudson**

1. Vil Callicoon nan Konte Sullivan pral sèvi ak 999,850 dola pou ranplase tank depo dlo 1930 ki ansyen an k ap sèvi Distri Dlo Youngsville.
2. Vilaj Liberty nan Konte Sullivan pral sèvi ak 999,919 dola pou pwojè diminisyon gwo risk efondreman ponso ak fay nan egou sanitè.
3. Vilaj New Paltz nan Konte Ulster pral itilize 857,550 dola nan fon CDBG NYS pou ranplase kanalizasyon egou ak twou egou ki pa bon yo.
4. Vilaj New Square nan Konte Rockland pral itilize 1.25 milyon dola nan fon CDBG NYS pou rekonstriksyon amelyorasyon sistèm drenaj dlo lapli yo pou elimine danje inondasyon yo.
5. Vilaj Wurtsboro nan Konte Sullivan pral itilize 1.25 milyon dola pou ranplase kanalizasyon prensipal dlo nan Sullivan Street ak rezèvwa dlo 300,000 galon ki egziste deja.

### **Rejyon Mohawk Valley**

1. Vil Amsterdam nan Konte Montgomery pral itilize 1 milyon dola pou devlope yon sant kominotè nan 149 East Main Street.
2. Konte Herkimer pral itilize 50,000 dola pou konplete yon etid planifikasyon nan tout konte a ki pral evalye ak dekri kondisyon ak opòtinite lojman.
3. Vilaj Waterville nan Konte Oneida pral itilize 38,500 dola pou antreprann yon etid kondisyon lojman nan pak lojman vilaj la ak yon revizyon bezwen lojman nan pwoblèm lojman lokal yo.

### **Rejyon North Country**

1. Vil Harrietstown nan Konte Franklin te mande 50,000 dola pou sipòte yon evalyasyon bezwen fizik, evalyasyon plonbri detaye ak plan pou amelyorasyon plonbri pou Otorite Lojmann Harrietstown.
2. Vil Plattsburgh nan Konte Clinton pral itilize 1 milyon dola pou enstale yon nouvo kanalizasyon prensipal transpò dlo brit ki pral konekte yon nouvo chan kaptaj ak kanalizasyno prensipal ki egziste deja a.
3. Vilaj Port Leyden nan Konte Lewis pral itilize 887,000 dola pou elaji etablisman tretman dlo ize ak sistèm koleksyon vilaj la.
4. Vil Watertown nan Konte Jefferson pral itilize 1.25 milyon dola pou travay sou enfrastrikti piblik dlo a.

### **Rejyon Southern Tier**

1. Vilaj Canisteo nan Konte Steuben pral itilize 1.25 milyon dola pou amelyore distri egou li yo pou pi byen sèvi bezwen rezidan li yo.
2. Vilaj Deposit nan Konte Delaware pral itilize 50,000 dola pou konplete yon rapò teknik preliminè pou yon evalyasyon sistèm dlo minisipal la.
3. Vilaj Hancock nan Konte Delaware pral itilize 995 dola, pou Faz 2 amelyorasyon kritik egou li yo.
4. Vil Thurston nan Konte Steuben pral itilize 25,000 dola pou konplete yon evalyasyon bezwen lojman.

## **Rejyon Lwès New York**

1. Vilaj Almond nan Konte Allegany pral itilize 978,000 dola pou ranplase kanalizasyon prensipal dlo Mill Street/Maple Road.
2. Vilaj Barker nan Konte Niagara pral sèvi ak 50,000 dola pou konplete yon rapò teknik konplè preliminè sou jesyon dlo lapli.
3. Vil Randolph nan Konte Cattaraugus pral itilize 1.25 milyon dola pou amelyorasyon nan etablisman tretman dlo ize vil la.
4. Vilaj Sherman nan Konte Chautauqua pral sèvi ak 1.25 milyon dola pou ranplase sistèm transpò egou dlo lapli ki deteryore/twò piti k ap sèvi koridò Main Street li a ak distri biznis anba lavil la.

**RuthAnne Visnauskas, ki se Komisè HCR,** te deklare, "Enfrastrikti solid, enstalasyon modèn, ak plan klè pou lavni yo esansyèl pou sante ak sekirite kominote nou yo. Envestisman 23 milyon dola sa a pral amelyore pwent ak boulon ki soutni sosyete a nan 33 kominote sa yo epi li pral respekte angajman Gouvènè Hochul pran pou sipòte gouvènman lokal yo atravè eta a. Nou rekonesan anvè Depatman Lojman ak Developman Iben (Housing and Urban Development) Etazini pou finansman sa a epi nou felisite moun k ap resevwa prim sa yo".

**Reprezantan Paul Tonko te deklare,** "Kanalizasyon dlo ak egou yo se yon pati esansyèl nan enfrastrikti kache ki kenbe kominote nou yo ap fonksyone. Pwojè yo anonse jodi a pral ede asire ke kominote Corinth, Watervliet ak Mechanicville ka bay kominote yo sèvis debaz rezidan yo bezwen pou yo pwospere, epi mwen kontan wè pwogrè k ap fêt sou inisyativ enpòtan sa yo. Pi devan, mwen pral kontinye se yon gwo defansè nan Kongrè a pou resous nou bezwen pou envesti nan enfrastrikti enpòtan atravè kominote Rejyon Kapital nou yo".

## **Enfòmasyon sou Demann Finansman Konsolide**

Yo te kreye Demann Finansman Konsolide a pou senplifye ak akselere pwosesis demann sibvansyon an. Pwosesis CFA (Consolidated Funding Application, CFA) a make yon chanjman fondamantal nan fason yo distribiye resous eta yo, pou garanti mwens biwokrasi ak plis efikasite pou satisfè bezwen developman ekonomik lokal yo. CFA a sèvi kòm sèl pwen dantre pou jwenn aksè a finansman developman ekonomik yo,

sa k ap garanti aplikan yo p ap gen pou pèdi tan ant plizyè ajans ak sous san okenn mekanis pou kowòdinasyon. Kounye a, pwojè devlopman ekonomik yo itilize CFA kòm yon mekanis sipò pou jwenn aksè a plizyè sous finansman eta yo atravè yon sèl aplikasyon, sa k ap rann pwoesis la pi rapid, pi fasil, ak pi pwodiktif.

###

Lòt nouvèl disponib sou sit [www.governor.ny.gov](http://www.governor.ny.gov)

Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)